

**Մարդկային անվտանգության «Grassroots» ծրագրերին ուղղված  
դրամաշնորհային աջակցության շրջանակներում  
կայացավ «ՀՀ Կոտայքի և Լոռու մարզերում երեխաների համար նախատեսված խաղահրապարակների բարեկարգման»  
ծրագրի պայմանագրի ստորագրման արարողությունը**

2018 թվականի մարտի 7-ին, ՀՀ Կոտայքի մարզի Կամարիս համայնքում կայացավ «ՀՀ Կոտայքի և Լոռու մարզերում երեխաների համար նախատեսված խաղահրապարակների բարեկարգման» ծրագրի պայմանագրի ստորագրման արարողությունը՝ Մարդկային անվտանգության «Grassroots» ծրագրերին ուղղված դրամաշնորհային աջակցության շրջանակներում: Արարողությանը ներկա էին ՀՀ-ում Ճապոնիայի արտակարգ և լիազոր դեսպան պարոն Էյջի Տագուչին, ինչպես նաև «Շենագնենք մեր գյուղը» ՀԿ-ի նախագահ տիկին Անահիտ Թովմասյանը, «Մարդու իրավունքների միջազգային հասարակություն» ՀԿ-ի նախագահ տիկին Բելլա Շիգարյանը, ՀՀ Կոտայքի մարզպետի տեղակալներ պարոն Կարեն Մարգարյանը և պարոն Համլետ Հայրապետյանը, Ստեփանավանի համայնքապետի խորհրդական պարոն Լևոն Քալանթարյանը, ինչպես նաև մի շարք համայնքապետեր և շահառու մանկապարտեզների տնօրեններ:

Ծրագրի նպատակն է բարեկարգել երեխաների համար նախատեսված խաղահրապարակները ՀՀ Կոտայքի մարզի չորս մանկապարտեզներում և ՀՀ Լոռու մարզի Ստեփանավան քաղաքի կենտրոնական այգում: Ճապոնիայի կառավարությունը աջակցում է խաղահրապարակների սարքավորումների ձեռքբերման և տեղադրման գործում: «Մարդու իրավունքների միջազգային հասարակություն» ՀԿ-ի հետ համատեղ շահառուն կիրականացնի այս ծրագիրը՝ գյուղական համայնքներում շուրջ 3230 երեխաների կյանքի պայմանները և կրթական միջավայրը բարելավելու նպատակով:

**Ծրագրի անունը՝** ՀՀ Կոտայքի և Լոռու մարզերում երեխաների համար նախատեսված խաղահրապարակների բարեկարգման ծրագիր

**Շահառու՝** «Շենագնենք մեր գյուղը» ՀԿ / Ծրագիրն իրականացնող գործընկեր՝ «Մարդու իրավունքների միջազգային հասարակություն» ՀԿ

**Դրամաշնորհի չափը՝** 44,768 ԱՄՆ դոլար (4,924,480 ճապոնական յեն)

**Դրամաշնորհի պայմանագրի ստորագրման ամսաթիվը՝** Մարտի 7, 2018



Երեխաների կողմից ավանդական ընդունելության արարողություն



Երեխաների ողջույնի ելույթը



«Շենագնենք մեր գյուղը» ՀԿ-ի նախագահ տիկին Թովմասյանի ողջույնի խոսքը



Դեսպան Տագուչիի շնորհավորական ուղերձը



Դրամաշնորհի պայմանագրի ստորագրումը



Դեսպան Տագուչիի և տիկին Թովմասյանի ամուր ձեռքսեղմումը



«Մարդու իրավունքների միջազգային հասարակություն»  
ՀԿ-ի նախագահ տիկին Շիգարյանի խոսքը



ՀՀ Կոտայքի մարզպետի տեղակալ  
պարոն Մարգարյանի խոսքը



Ծրագրի իրականացման տեղայնքներից մեկը  
(Կամարիս գյուղի մանկապարտեզին կից)